

EDITORIAL

Pahiluagon an kagiusan protesta agud tapuson an rehimen US-Marcos!

Padayon nga ginbabay-og han pampulitika nga krisis an reaksyunaryo nga estado nga ginpapadalagan han mga burukrata-kapitalista. Diri nakalma ngan niruniyan naglalarab an kangalas han masa ha nabubuksas nga mas damo nga kaso han korapsyon. Diri napaparong an kagiusan nga *walkout* han mga estudyante, ngani nagsasamwak pa ha mga unibersidad ha Manila ngan iba pa nga parte han nasud. Nagsasamwak an paggios han mga sibiko nga grupo, tawo ha singbahan, trabahador, kabras ngan iba pa nga sektor.

Higluag nga alyansa han katawhan an nahitutukod nga pursigido nga kab-uton an hustisya para ha katawhan nga biktima han kriminal nga korapsyon. Tinindog na an usa nga hila-pad ngan gamhanan nga kagiusan han katawhan nga mabay-og ha rehimen US-Marcos ngan maghuhuman ha paghahadi han mga burukrata-kapitalista nga grupo nga aada ha poder.

Nagpapakamalimpyo ngan napostura hi Marcos nga kinakalasan o nangangalas ha mga parupangawat. Waray pulos ha katawhan an sikreto nga imbestigasyon han ginbug-os niya nga "independent commission" nga piho nga waray iba nga larang kundi tahuban an kama-tuoran nga bilyun-bilyon kapiso nga porsyento ha mag-anomaliya nga kontrata an nadangat ha Malacañang, ngan nga hi Marcos mismo an hadi ngan aada ha pungkay han bukid han basura han korapsyon. Tulo kabulan ka-human niya igdeklara nga "maawod naman kamo," klaro ha mata han katawhan nga hi Marcos mismo an numero uno nga waray awod ngan pinakabutaray

ha pagbubursa han bilyun-bilyo kapiso nga pondo han katawhan.

Pirit nga ginsasakyan han grupo nga Duterte an hiluag nga protesta han katawhan kundi usa kahakop la an ira nauuwat. Diri nira matahuban an kalugaringon nga krimen ngan pangawat, labina hadton nakalingkod nga presidente hi Rodrigo Duterte. Utro nga nahibabalik an bilyun-bilyon nga iginbursa han mga Duterte ha kontrata ha Pharmally hadton panahon han pandemya, ₱51 kabilyon *flood control project* ni Paolo Duterte ngan ₱125 kamilyon nga *confidential and intelli-*

gence fund ni Sara Duterte. Bilyun-bilyon kapiso nga kontrata liwat an nahingadto ha hadto anay surugon ni Duterte nga hi Bong Go, ngan iba pa nga mga alyado.

Atubangan han nagsasamwak nga hurub-hurob agud liwanan an naghahadi nga rehimen, iginpakita han imperyalismo nga US nga madig-on hini nga ginsusuportahan an niyutiyo hini nga hi Marcos. Diri pala maiha, personal nga ginbisita han usa nga upisyal han embahada han US an pagbista ha ICI komo pamatuod han suporta hini.

Nangangalas gud an katawhan nga ha luyo han grabe nga kangalas ha korapsyon, butaray nga gin-utro ni Marcos ngan mga kakunsabo niya ha kongreso an pagpapalusot han dirudilain nga *pork barrel* ha badyet ha 2026. Pirit nga iginzulod an ₱281 kabilyon nga *pork barrel* ni Marcos ha porma han *unprogrammed appropriations, confidential and intelligence funds* ngan iba pa. Aada ha ₱414 kabilyon naman an *pork barrel* nga ginbababhinay han korap nga mga kongresista ngan senador.

Padayon nga nabubuksas kun tiunan-o ngatanan nga programa han gubyerno putos han korapsyon. Labot ha mga proyekto nga *flood control*, bilyun-bilyon kapiso liwat an ginkakawat ha mga *farm-to-market road, multipurpose building, health center, tulay, dalan, sugad liwat ha pamubliko nga pondo para ha ayuda, sweldo, pensyon ngan seguro.*

Maaram gud an katawhan kun hirahin-o ngan hain ini nga mga proyekt-



to nga ginkukurakot han mga korap nga upisyal han gubyrno ngan militar ngan mga kakunsabo nira nga dagko nga negosyante. Ha bubligay han magkalain-lain nga sektor angay la nga aliskayon ini, igsadokumento, ibuksas ngan itampalo ha mga kriminal nga bu-rukrata-kapitalista.

Kinahanglan diri undangon han mga Pilipino an panunukot ngan pagpapabaton ha mga bukrurata ha ira mga paggios ngan protesta. Kabakyang an mga kabatun-an, kinahanglan dugang nga pakusgon han masa nga kabras nga anakbalhas ngan mga trabahador an ira tingog kontra ha korapsyon, bukrurata kapitalismo ngan pasismo, ngan agud paaningalon an guliat para ha pagpapatapos ha pakuri nga rehimen US-Marcos ngan paghahadihadian han grupo nga Duterte.

Pinakamagsasamwak pa ini ha mga kabras nga komunidad ngan pabrika, diin pinakadamo ngan pinakana-ngangalas an masa nga anakbalhas nga biktima han korapsyon ngan konsabuhay han mga bukrurata-kapitalista ngan dagko nga negosyante. Labot ha karukayaknon han pagbaha ha mga komunidad nga bunga han korapsyon ngan palpak nga gubyrno, kinahanglan palandawon an karukayaknon han himubo nga suhol, hiluagan nga disempleyo han katawhan, hitaas nga

presyo han mga papliton, hitaas nga gastos ha edukasyon, waray wantas nga paghitaas han presyo han gasolina, dunot nga pankatilingban nga serbisyo ngan iba pa nga bunga han konsabuhay han mga korap nga bukrurata-kapitalista ngan hakog ha tubo nga dagko nga burgesya.

Pahiluagon pa an kagiusan protesta kontra ha korapsyon ha pinakadamo nga prubinsya, ha mga bungto ngan syudad. Milyun-milyon an biktima han palpak ngan diri mahigamitan nga mga imprastruktura nga ginmalgastaran han kwarta han katawhan. Tirukon an ira kangalas ha mga trahedya nga nahiaaguman nira ha kada may kalamidad han bagyo, linog o bisan simple nga pag-uran. Papagbatunon an mga bukrurata-kapitalista ha krimen nira nga hinungdan han kalumos ha baha han burubug-os nga komunidad ngan mga umhanan, pagbagsak han mga tulay, karuba han mga kalsada, karumpag han mga bilding ngan urukyan ngan iba pa. Mahugot an sumpay ha bukrurata kapitalismo han kalugi han mga parag-uma, himubo nga suhol han mga trabahador, pagbagsak han kita han mga drayber, pagbagsak han pakabuhi han mga kabras, pagkawara han urukyan, kalumos ha utang, dislokasyon ngan pagpapalayas ha tuna, ngan damo nga nawong pa han kakablasan.

Kinahanglan itig-ob han mga es- tudyante nga kabatan-unan ngan iba pa nga sektor nga natindog kontra ha korapsyon an ira ranggo ha kusog han masa nga anakbalhas ha kasyu- daran ngan kabaryuhan. Kun may sobra man nga ginkakahadlukan hi Marcos nga mabay-og ha iya pagha- hadi, iton an duruyog nga pag- walkout ha mga eskoylahan, pagwe- welga han mga trabahador, martsa han mga parag-uma, welga han mga empleyado han gubyrno, magtutur- do ngan akademiko, ukoy-pasada ha pampubliko nga transportasyon ngan iba pa nga porma han duruyog nga paggios han katawhan.

Madig-on nga naabante an nara- bunos nga kagiusan protesta han ka- tawhan kontra ha korapsyon ngan bu- rukrata kapitalismo tungod ha pangu- nguna han mga nasyunal-demokratiko nga organisasyon ngan alyansa. Hira an pinakadeterminado ngan pinaka- pursigido ha pag-abot ngan pagpukaw ha masa. Hira an pinakanagpupursige nga bug-uson an pinakahilapad nga pagkakaursu han katawhan kontrah ha rehimen US-Marcos.

Samtang ginpaparabunos an ka- giusan protesta, kinahanglan idungan han mga nasyunal-demokratiko nga pwersa an marayhak nga kagiusan nga pag-aram ha katilingban ngan rebo- lusion Pilipino ha ranggo han masa. Kinahanglan waray kasumo nga ig- eksplikar nga an korapsyon ngan ano- maliya unob ha bagakolonyal ngan ba- gapyudal nga sistema, ngan nga ma- huhuman la ha pagpapabagsak ha im- peryalismo, pyudalismo ngan bukrura- ta kapitalismo.

An hingyap han katawhan nga pagbabag-o han sistema makakab-ot la ha pagpapasulong han demokratiko nga rebolusion han katawhan pinaagi han armado nga pakig-away. Sanglit kinahanglan tukuron an pinakadamo nga tsapter han mga organisasyon han National Democratic Front ha ira ranggo ngan pursigido nga suportahan ngan pakusgon an Bagong Hukbong Bayan. Kinahanglan pahilarumon ngan pahiluagon an paggamot han Partido ha ranggo han masa agud magserbe nga butagtok ngan taliba han ira pan- maihan nga pakigbisog.

 Tuig LVI Ihap 20 Oktubre 21, 2025	
Igin-gagawas an Ang Bayan ha lenggwahe nga Pilipino, Bisaya, Iloko, Hiligaynon, Winaray ngan Ingles. Nakarawat an Ang Bayan han mga kontribusyon ha porma han mga artikulo ngan balita. Gin-aaghat liwat an mga mambarasa nga magpaabot hin mga suson ngan rekomendasyon ha ikauuswag han aton mantalaan.	
Gin-uunod Editorial: Pahiluagon an kagiusan protesta agud tapuson an rehimen US-Marcos 1 Kabatan-unan: Marcos-Duterte, tanggalon! 3 Mga paggios kontra korapsyon, nahiluag 3 Kabatan-unan para ha nasyunal nga demokrasya 4 ISM, gin-gipit han rehimen Marcos 5 Korapsyon han bukrurata-kapitalista nga militar 6 14th IB, gin-ambus han BHB-Leyte 7 Lider-rebolusyounaryo ha Panay, ginpasidunggan 7 Panawagan han mga parag-uma 7 Mga propesyunal para ha gerra han katawhan 8 Ha dagmit nga pulong 9 6 katuig nga kadaugan han parag-uma ha EV 10 Ukoy-bubto ha Gaza, diri sadang 11 Interim release para kan Duterte, iginbasura 11 Mga protesta 11 Larang nga destabilisasyon han US ha Venezuela 12	
An Ang Bayan igin-gagawas duha kabeses kada bulan han Komite Sentral han Partido Komunista ng Pilipinas	
 ang.bayan@cpp.ph	

Guliat han kabatan-unan: Marcos-Duterte, tanggalon!

Masobra 5,000 nga kabatan-unan ngan estudyante an nagmartsa ngadto ha Mendiola ha Manila hadton Oktubre 17 komo parte han National Youth Day of Action Against Corruption. Ha pangunguna han mga nasyunal-demokratiko nga organisasyon, mga konseho han estudyante ngan alyansa, guliat han kabatan-unan: "Marcos-Duterte, tanggalon! Dunot nga sistema, bag-uhan!"

Nag-walkout an mga estudyante ngan naglansar hin lokal nga programa ha kada tagsa nira nga mga unibersidad antes kumadto ha Mendiola. Pinartisipar ha paggios an mga grupo ngan estudyante tikang ha 28 nga pampubliko ngan pribado nga unibersidad ha Metro Manila.

Iginlansar liwat han mga estudyante an walkout ngan mga piket protesta ha Baguio City, Nueva Ecija, Rizal, Cavite, Batangas, Laguna, Quezon, Cebu City, Iloilo City ngan Davao City. Landaw dinhi an masobra 700 nga estudyante, magtuturo ngan empleyado nga nag-walkout ha Central Luzon State University hiton nga adlaw.

Pira kaadlaw antes hini, bulag nga walkout an iginlansar han mga estudyante han Polytechnic University of

the Philippines (PUP) System (15,000), De La Salle University ha Manila ngan Laguna, ha University of the East-Manila, Our Lady of Fatima University, De La Salle-College of St. Benilde ngan Mapua University. Nag-walkout liwat an mga estudyante han De La Salle Araneta University ha Malabon City hadton Oktubre 20. Ha kabug-usan, gintatantiya nga masobra 40,000 nga estudyante ngan kabatan-unan ha bug-os nga nasud an pinartisipar ha kagiusan nga walkout kontra korapsyon tikang Septyembre.

Diri nagpapabantad an kabatan-unan atubangan han pag-aatentar han rehimen Marcos nga puypuyon hira. Iginpadayon nira an mga protesta ha luyo han nahireport nga susrunod nga mga "bomb threat" ha

mga unibersidad ngan eskoylahan ha damo nga prubinsya ha tuyo nga idiskaril an natikadamo ngan nati-kaagsub nga mga paggios.

Ginsukna liwat nira an panmuy-poy han estado, kalakip an pagpapatawag han Philippine National Police ha mga lider kabatan-unan ngan mamamahayag nga pankampus tungod ha pagkakadabi ha protesta ngan banggaay ha Mendiola, Manila hadton Septyembre 21. Kaupod ha mga iginpatawag han mga pulis an usa nga mamamahayag ngan estudyante han PUP ngan organisador han grupo nga Kalayaan Kontra Korapsyon.

Hadton Oktubre 12, nagtirok an mga biktima han kamadarahug han mga pulis, damo an kabatan-unan, ha protesta nga Septyembre 21 nga ginbansagan nga Mendiola 277. Kaupod an ira mga kaurupdan, mga abugado ngan grupo ha tawhanon nga katungod, ginbug-os nira an Alyansa laban sa Korapsyon at Brutalidad ng Pulis o AKAB. AB

Mga paggios han katawhan kontra korapsyon, nahiluag

Gawas ha paggios han mga kabatan-unan ngan estudyante, nagpapadayon liwat an protesta nga kontra korapsyon han mga trabahador, kabras ha syudad, parag-uma, parupangisda, tawo ha singbahan ngan iba pa nga sektor. Sering nira, magdidirudiretso an mga protesta tubtub nga waray napapagbaton nga mga korap ha ira krimen ha katawhan.

Hadton Oktubre 7, inabot ha 17,000 an tinambong ngan nakig-usa ha martsa ngan misa han katawhan ha Baguio City. Kataliwan han duha kaadlaw, duruyog nga nagmartsa an mga residente han San Jose Del Monte City ha Bulacan.

Hadton Oktubre 11, masobra 3,000 an tinambong ha pangadi kontra korapsyon ha Bacolod City. Hiton liwat nga adlaw, yukut-yukot nga deboto ngan tawo ha singbahan an pinartisipar ha usa nga lakat para ha hustisya kontra ha korapsyon ha Sampaloc ha Manila. Iginlansar liwat ha Albay an usa nga martsa.

Hadton Oktubre 12, naglansar hin lakat kontra korapsyon ha Santiago

City, Isabela diin masobra 500 an pinartisipar ha aktibidad. Hiton gihapon nga adlaw, usa nga rali an utro nga iginlansar ha Meycauayan, Bulacan. Kataliwan han duha kaadlaw, naglansar hin fluvial parade ha Manila Bay an mga parupangisda han Cavite.

Hadton Oktubre 17, naglansar hin protesta an mga unyon han trabahador ilarum han Kilusang Mayo Uno ha Laguna. Usa nga rali liwat an iginlansar han mga progresibo nga grupo ha Cebu hito gihapon nga adlaw. Kataliwan han usa kaadlaw, iginlansar an usa nga protesta ha La Trinidad Public Market ha Benguet.

Hadton Oktubre 19, yukut-yukot an pinartisipar ha martsa ngan pa-

ngadi kontra ha mapanhibang nga dredging, korapsyon ngan dinastiya ha pulitika ha Vigan City, Ilocos Sur. Kataliwan han usa kaadlaw, iginlansar han mga iroy ngan kababayin-an an usa nga zumba kontra korapsyon ha Quezon City.

Nagpapadayon liwat an Black Friday Protest han mga progresibo nga grupo. Iginlansar naman han singbahan diri pala maiha an bersyon han paggios kada Biyernes.

Igin-anunsyo naman han United People Against Corruption hini nga bulan an plano nga magsalawad han usa nga indemnity class suit kontra ha mga kongresista, kontratista ngan upisyal han gubyerno nga dabi ha maanomaliya nga mga proyekto nga flood control.

Ha Hong Kong ngan Canada, ginbug-os liwat han mga grupo nga Pilipino hini nga Oktubre an mga alyansa nga natipa ha anomaliya ha Pilipinas. AB

Kabatan-unan ha komunidad, makigbisog para ha nasyunal nga demokrasya

Hadton Septyembre 21, binuto ha entrada han Mendiola an nasalwak nga kangalas han kabatan-unan ha hiluagan nga korapsyon ngan kawaray baratunon han higtaas nga upisyal ha nasud. Damo hini nga kabatan-unan nagtikang ha mga kabras nga komunidad. Puno hin kaisog ngan kadasig, ginkumpronta nira an mga pulis nga maiha na nga nananalumpigos ha igkasi nira kabras. Klaro an ira panan-aw nga an mga pulis tagdependa han mga nananalumpigos nga naghahadi nga klase. Waray hira magpahadlok. Diri gin-abat an tirgas, bomba han tubig, ngan mga batuta. Klaro ha ira an katukmaan han pag-ato.

Sigon ha datos han estado hadton Hunyo 2025, aada ha 20.2 kamilyon an mga batan-on o mga aada ha edad nga 15-24 anyos, tikang ha kabug-usan nga populasyon han nasud nga 116.9 kamilyon. An 19.66 kamilyon ha ira ludlod ha kakablasan. Aada ha 7.2 kamilyon an kabatan-unan nga diri nag-eeskoyla, samtang aada ha 2.36 kamilyon han kabatan-unan an diri nag-eeskoyla ngan diri liwat nagtatrabaho, 50.3% hini kalalakian ngan 49.7% an kababayan-an.

Bunga han grabe nga kakablasan, napipiritan an mga kabatan-unan nga Pilipino nga temprano nga magpaka-buhi imbes nga mag-eskoyla. Kundi damo ha ira an waray makit-an nga disente nga pakabuhi tungod ha krisis han atrasado nga ekonomiya. Ginkomponer nira an dako nga parte han klase nga bagaproletaryado. Kaparte hira han narunapulo kayukot nga reserba nga kusog pagtrabaho ha kasyudaran. Nakita la hira ha pagsulod ha bisan ano nga diri regular nga trabaho. An pira ha ira naduso ha mga kontra-sosyal nga binuhatan tungod kay waray na hira iba nga malalauman.

An mga kabatan-unan nga kabras, kaupod an ira mga pamilya, waray maupay nga urukyan. Gatus-gatos kayukot nga pamilya an naukoy ha mga lugar nga nalulumos ha baha kada makusog an uran. Madarahug nga gindedemolis an ira mga komunidad o diri ngani ginsusunog an ira kabalayan para palayason hira ngan ibaligya an tuna nga ginti-

tindugan han ira mga balay ha dagko nga kumprador ngan langyaw nga negosyante.

Sugad han ira mga kag-anak, biktima hira han korapsyon, kapasibayan ngan pasismo han estado. Hira an mga nagin testigos ngan biktima han madugo nga gerra kontra droga han nakalabay nga rehimen Duterte nga nagpadayon hasta hyana. Agsub hira nga target han abuso ngan brutalidad han mga pulis ngan gin-gagamit ha ira iligal nga aktibidad. Sugad han hiluag nga katawhan, naghihingyap hira han pankatilingban nga pagbabag-o, ngan maaram hira, komo kabatan-unan, han ira responsabilidad nga bag-uhon an katilingban.

An papel han kabatan-unan ha pagpapasulong han nasyunal nga demokrasya

Importante an papel han kabatan-unan ha pakigbisog han katawhan Pilipino para ha nasyunal nga katalwasan ngan demokrasya.

Sigon kan Jose Maria



Sigon, tagpagtukod han Kabataang Makabayan (KM) ngan han Partido Komunista ng Pilipinas, kinahanglan magorganisa han mga kabatan-unan agud atuhan an mga kontra-katawhan nga patakaran ngan ipakigbisog an ira kaupayan komo kabatan-unan ngan kaparte han katawhan.

Hadton dekada 1960, nanguna an KM ha paglalansar han mga nasyunal demokratiko nga pakigbisog. Militante ini nga namuno ngan nagorganisa han kabatan-unan ha mga eskoylahan, pabrika, mga propesyunal ngan ha mga komunidad. Kahuman igimponer an balaud militar, damo ha mga kaapi hini an kinadto ha kabaryuhan ngan nagserbe nga liso han Bagong Hukbong Bayan ha magkalain-lain nga parte han nasud.

Ha pag-ato ha diktadura hadton dekada 1970 tubtub 1986, binutho an damo pa nga mga grupo han kabatan-unan nga inato ngan nagsakripisyo para tapuson an rehimen US-Marcos. Labot ha mga organisasyon ha mga eskoylahan, ginbug-os han mga kabatan-unan an mga asosasyon ha komunidad. Kalakip hini an Kadena (Kabataan para sa Demokrasya at Nasyunalismo) nga nakabase ngan ginkomponer han mga kabatan-unan ha komunidad. Igintukod ini hadton 1984 ha Silang, Cavite agud ig-urusa an magkalain-lain nga organisasyon han kabatan-unan ha komunidad ha balayan han pakigbisog para ha nasyunal demokrasya.

Militante nga nagorganisa ngan nagpagios an Kadena han gatus-gatos nga kabatan-unan ha mga sentro nga syudad ngan paspas nga nakapahiluag ha magkalain-lain nga dapit han nasud sugad han Southern Tagalog ngan ha Visayas. Nagin kapar-

Sundan ha paypay 5

Internasyunal nga delegasyon, gin-gipit han rehimen Marcos

Ginringgal ngan ginhadlok han mga elemento han Armed Forces of the Philippines an mga delegado han International Solidary Mission (ISM) nga naglansar han imbestigasyon ngan pangaliskay tikang Oktubre 11 tubtub 14. Nakada ha Pilipinas an delegasyon para mahibaruhan an nahiaaguman nga krisis ha klima, pandambong ha kalibungan, ngan militarisasyon ha komunidad han mga parag-uma ngan minoriya ha Rizal, ngan ha mga isla han Mindoro, Samar, Leyte ngan Negros.

Butaray nga gintiktikan ngan gin-kuhaan han litrato han mga sundalo an mga ginlansaran han aktibidad han ISM. Ginkuha nira an ngaran han mga delegado, ginsundan han mga armado ngan ginsubaybayan tubtub ha ira ginhihigdaan. Pira kabeses liwat nagpalupad han *drone* ha bawbaw han mga kampuhan diin iginhimo an mga imbestigasyon.

Hadton Oktubre 14, napiritan an mga delegado nga tapuson hin mas temprano an aktibidad hini ha Mindoro tungod ha pag-abot han narunapulo nga pulis ngan sundalo nga may dara nga higlaba nga pusil ha kampuhan. Nagdurot ini hin grabe nga kahadlok ha mga minoriya ngan delegado. Ha Rizal, butaray hira nga gindid-an nga maghimo han aktibidad tungod kay waray hira "permit." Paggikan han mga bumisita nga delegasyon, dirudiretso nga ginringgal han mga sundalo an minoriya nga Mangyan ha Mindoro ngan Dumagat ha Rizal.

Sigon ha report han mga minoriya nga Dumagat ha Tanay, Rizal nag-agsub an presensya han militar ha komunidad ngan nagtikang nga magpatawag han mga residente para ha interogasyon kahuman an ISM. Ha Abra de Ilog, Occidental Mindoro, nagpadayon an pan-gigipit han mga sundalo ha komunidad nga nakakaapekto ha pagpapakabuhi han mga residente ngan nagdudurot han kagutom ha mga

parag-uma.

Kadungan han pan-gigipit ha ISM, waray wantas liwat an pangabuso han militar ha iba pa nga parte han nasud.

Pasista nga pangatake ha Negros. Waray hunong an panlasurbo ngan pasista nga pangatake han mga sundalo ha isla ha naglabay nga bulan. Nahilista an luun-luon nga mga kaso han pagtalapas ha tawhanon nga katungod ha butnga han mga pankombat nga operasyon hini ha damo nga barangay.

Pinakaurhi hini an panmusil han 79th IB nga nagdurot han kasamad ha parag-uma nga hi Kato Rizal ngan iya menor-de-edad nga umangkong samtang nakuha han pulot ha Sitio Nabaisan, Barangay Minapasok, Calatrava, Negros Occidental hadton aga han Oktubre 17. Ha urhi nga report diri pa natatad-an an ginkamumutangan han menor-de-edad.

Hadton Oktubre 7, ginransak han 94th IB an balay han usa nga paraguma ha Sityo Manluki ha Barangay Carabalan. Usa nga paraguma liwat an ginsikmit han 94th IB ha Barangay Buenavista ngan piniritay hiya nga ginpagiya ha pankombat nga operasyon. Ha Toboso, piniritay nga ginsulod ngan ginransak han 79th IB an balay han duha nga paraguma hadton Oktubre 11. Ha Negros Oriental, nahireport naman an pananamok ngan pagkakampo han 62nd IB ha mga sentro

han komunidad, singbahan ngan eskoylahan.

Pagtalapas ha IHL. Ginpapakuri an ngan gin-gigipit han 703rd IBde an pamilya ngan mga grupo ha tawhanon nga katungod ha pagbawi ha patay nga lawas han usa nga ginsesering nga Pula nga mangaraway nga napatay ha agway han militar ngan BHB ha Norzagaray, Bulacan hadton Oktubre 17. Ginkundenar han mga grupo ha tawhanon nga katungod an pagdiri han militar nga iginhatag ha pamilya an patay nga lawas ngan militarisasyon ha punerarya nga ginkamumutangan hini. Iba-iba liwat an estorya han militar hiunong ha nahitabo nga agway ngan pagdul-ong ha patay nga lawas.

Ha North Caloocan, naggrabe an militarisasyon han NTF-Elcac ngan han 12th Civil Military Operation ha mga barangay tikang hadton Oktubre 6. Ginsakop han militar an Barangay 175, 181-182 Pangarap Village ngan Barangay 187-188. Iginlalansar hini an kampanya han *Red-tagging* ngan pan-gigipit ha mga membro han progresibo nga grupo.

Pagpatay. Brutal nga ginpatay han kalalakian an nga sakay han motorsiklo hi Niruh Kyle Antatico hadton Oktubre 10 ha Barangay Patag, Cagayan de Oro City. Hi Antatico usa nga hadto anay *senior legal researcher* ha National Irrigation Administration Region 10 nga ginsesering nga nagbuksas han damo kaupay nga pangawat ngan anomaliya ha sakob han ahensya kalakip an nawawara nga pondo, *substandard* nga proyekto, ngan mga peke nga kontrata. Nana-wagan han hustisya an Nafeda-Courage para kan Antatico. AB

Tikang ha paypag 4

te liwat hira han pagpatalsik ha diktadura nga Marcos hadton 1986. Nahunong an pag-oorganisa han Kadena dapit 1990. Ha kawarayan nga ginbilin hini, igintukod an organisasyon nga Anakbayan, nga nag-organisa han mga kabatan-unan ha komunidad ngan nagin kaparte han pagpapatalsik ha rehimen Estrada hadton 2001.

Ginpatatud-an han mga grupo nga KM, Kadena ngan han iba pa nga organisasyon nga an komunidad an diri nahuhubas nga atabay han militante nga kabatan-unan nga maisugon ngan maungod nga nagpapasulong han hingyap para ha nasyunal-demokratiko nga ungara han katawhan.

Ha iginpakita nga militansya had-

ton Septyembre 21, piho nga mas magrarayhak pa an paggios han mga kabatan-unan, labina tikang ha mga kabras nga komunidad, nga makadto ha kakalsadahan ngan ha kabaryuhan agud ipakigbisog an tinuod nga pankatilingban nga pagbabag-o ngan pagtalwas nga maiha na nga ginhihingyap han hiluag nga katawhan. AB

Makadirigwa nga korapsyon han burukrata kapitalista nga militar

Ha pagbuto han korapsyon han burukrata kapitalista nga sistema, diri himangrawon an kadungan nga pag-alisngaw han baho han mga burukrata kapitalista ha ranggo han militar. Nabuksas diri pala maiha an maanomaliya nga proyekto nga pan-imprastraktura nga gindadabihan han Armed Forces of the Philippines (AFP) kakunsabo an korap nga mga kontraktor. Linutaw na gihap nga mayda ini dako nga parte (P50 kabilyon) ha *unprogrammed appropriations* para ha 2026 tikang ha *pork barrel* han presidente.

Maabot ha P15 kabilyon an ginkurakot ngan ginmalgastar ha 944 nga panmilitar nga imprastraktura ha ilarum han Tatag ng Imprastraktura para sa Kapayapaan at Seguridad (TIKAS) Convergence Program tikang 2023 tubtub ha presente. Nabuksas ha pagbista ha senado nga 421 hini nga mga proyekto diri tinuod (*ghost*) samtang an 648 nga iginlista nga "human na" bisan kun inundang an kontruksyon ha mga patikang nga lebel ngan ha sugad diri ini higagamitan.

Gin-uuwat han pinuno han AFP nga hi Romeo Brawner Jr an katawhan ha pagsering nga waray kalabutan an militar ha pandambong ha pondo nga TIKAS, labina nga an mga kumander han AFP Unified Command ngan pan-rehiyon nga direktor han Department of Public Works and Highways (DPWH) an nagtatalaan kun ano ngan diin igitindog ini nga mga proyekto. Magkabakyang nga gindudumara han Department of National Defense (DND) ngan DPWH an pagtatalaan han suklanan, pagplano ngan pagsubaybay ha implementasyon pinaagi han TIKAS Central Technical Working Group. Sugadman, tanan nga mga proyekto han TIKAS aada ha sakob o palibot la han mga kampo militar.

Korapsyon nga unob ha burukrasya

Kapareho han igkasi nira korap ha sibil nga burukrasya, gin-gagamit han mga burukrata kapitalista ha militar an ira pusisyon ha estado agud maghakin han karikuhan. Igintukod han imperyalismo nga US an pasista nga AFP hadton 1935 agud magserbe nga harigi ng gubyerno nga Komonwelt, nahiuna pa ha igintukod hini nga niyutyo nga estado hadton 1946. Nagti-

kadako ini ha ilarum han diktadura nga Marcos Sr ngada 142,000 nga sundalo para ha brutal nga implementasyon han balaud militar. Tikang hadto, dirudiretso ini nga ginpabusog han suhol, kontrata ngan pabor han nagsarusaliwan nga naghahadi nga bar-kadahan tikang kan Corazon Aquino tubtub ha presente nga rehimen.

Ha naglabay nga mga dekada, nahisadokumento an paghakin han mga heneral han sobra nga ginpresyuhan nga mga kontrata han pagpalit han mga higamit militar kalakip an mga pusil, *howitzer*, *armored vehicle*, *jetfighter*, helikopter ngan barko. Nabuksas nga kinita an mga heneral han 10-30 porsyento nga kikbak ha mga kontrata para ha bala ngan pusil. Samwak an mga *ghost delivery* han suplay, peke nga mga transaksyon para ha mga armas ngan higamit, ngan pakikigkonsabuhay ha mga suplayer ngan kontraktor. Hadton 2011, linan-



daw an maanomaliya nga tradisyon han "pabalon," diin tinuig nga gintitirok an maabot ha P1.5 kabilyon nga badyet han DND komo pahalipay ha mga nagreretiro nga heneral. Bisan an pensyon han mga sundalo nga hul-os nga ginpopondohan han estado ginkukurakot pinaagi han pagbabayad ha yukut-yukot nga "ghost retiree."

Ruruyagon an mga heneral ha pagpapahimo han mga garboso nga upisina ngan pagpapaupay han mga kampo nga ginkukuhaan nira han tinagdagko nga kikbak. Lanong liwat hira ha agsub nga pagbabakasyon ha gawas han nasud kaupod an kada taga nira nga mga pamilya, marahalon nga sarakyan ngan balay, ngan pankabug-usan nga garboso nga panginabuhi.

Hadton 2018, usa pa nga senador an nagbuksas han hiluagan nga korapsyon han "Davao Group," usa nga grupo han mga heneral nga suok kan Rodrigo Duterte, ha pagpalit han mga armas ngan higamit militar ha tahub han "modernisasyon" han AFP. Hini nga Oktubre, ginkasuhan ha Ombudsman an koronel nga nagseserbe nga hepe han panseguridad nga grupo ni Sara Duterte tungod ha pagkaka-dabi niya ha pangungurakot han bise presidente ha P125 kamilyon nga *confidential and intelligence funds*.

Magpadis nga AFP ngan NTF-Elcac

Dako liwat an iginbubursa han mga upisyal militar tikang ha mga programa nga kontra-insurhensiya sugad han E-CLIP nga gin-gagamit para ha buwa nga program han "pagpapasurender" ha mga sibilyan ngan mga pan-imprastraktura nga proyekto han Barangay Development Program han NTF-Elcac.

Ha kaso han BDP, mga yunit han AFP an nagtatalaan diin nga mga barangay iginlalataw an mga *farm-to-market road* (FMR). Damo hini an *ghost project*, samtang an iba duplikasyon, sobra an presyo, himubo an

Sundan ha paypay 7

14th IB, gin-ambus han BHB-Leyte

HA DISTANSYA NGA lima kametros, ginpabuthan han usa nga yunit han Bagong Hukbong Bayan (BHB)-Leyte Island (Mt. Amandewin Command) an pasista nga tropa han 14th IB ha bungto han Javier, Leyte hadton Oktubre 15 han aga. Sigon ha yunit, damo an nahireport nga kaswalti ha mga bergudo nga sundalo.

An yunit han 14th IB nga aada ha erya nagpapa-tuman hadto han gintatawag nga *combat-clearing operations* ha mga bubkiron ngan salog giutan han Barangay Odiong ngan Barangay Caraye ha Javier. Kaparte an operasyon han hiluagan nga pankombat nga operasyon han 14th IB ha mga barangay nga lupog han mga bungto han Javier ngan Abuyog.

Patraydor ngan talawan nga iginpaling han 14th IB an atake hini ha sibilyan nga katawhan ha Bara-ngay Caraye, Javier. Kasunod han opensiba han BHB, igin-imponer han 14th IB ha komunidad an hamlet o "lockdown" diin gindidid-an an masa nga tumukad ha ira mga umhanan.

Agud tahuban an ira kaperdihan, nagbinuwa an 14th IB ngan 802nd IBde nga may nakumpiska hira nga riple tikang ha BHB ha pag-atake. Nagpagawas pa ha *social media* an militar han mga peke nga litrato han mga pusil nga "nahibilin" kunuhay han BHB.

Tikang ha paypay 6

kalidad, ngan iginlatag ha diri talwas o diri haum nga parte han barangay. Nagseserbe nga gwardya hini nga mga proyekto an mga batalyon han AFP.

Ha Northern Mindanao, pananglitan, gintagan han pondo an AFP ngan NTF-Elcac han ₱17.6 kabilyon para ha 142 FMR hadton 2020. Damo ha mga bara-ngay nga nagrasyahan hini may mga kampo, de-tatsment o presensya han RCSP han AFP. An pinaka-mahal hini nga mga FMR nabalor han ₱67.5 kamilyon kada kilometro, lima kabeses nga mas hitaas tanding ha nasyunal nga abereyds. Haros ngatanan han mga kontrata nakuha han Ulticon Builders, nga suok ha hadto anay rehimen Duterte.

Ha Samar, inabot hin upat katuig antes mahu-man han NTF-Elcac hadton 2024 an pagsemento ha 400 kakilometro nga kalsada nga iginlatag han mga sundalo ha butnga han kahagnaan. Nabalor an pro-yekto han ura-ura kadako nga ₱14 kamilyon, o ₱35,000 kada metro. Inabot la an kalsada ha durho han kasapit nga barangay ngan hirayo ura-ura ha mga sentro han bungto.

Kadungan hini, ginkukurakot liwat han mga sundalo an pondo para ha ginpapasurender nira nga mga sibilyan. Bisan an mga ayuda nga bugas ngan delata ginlilitratuhan la nga iginhahatag kun-di ginbabawi liwat kahuman an mga parada ngan pakita-ha-tawo nga mga seremonya nga kontra ha rebolusyunaryo nga kagiusan.

AB

Rebolusyunaryo nga lider ha Panay, ginpasidunggan

GINPASIDUNGGAN HAN Panrehiyon nga Komite ha Panay han Partido Komunista ng Pilipinas an usa ha mga minayuyo nga rebolusyunaryo nga lider han kagiusan ha rehiyon nga hi Roberto Moises Cabales (Kasamang William) nga ginpatay han militar ngan pulis hadton Oktubre 5 han gab-i ha Barangay Coto, Lam-bunao, Iloilo. Ginpagawas han pwersa han estado nga inato hi Cabales ngan kaupod niya nga hi Mateo Suarez (Kasamang Ba-dong) samtang kunuhay iginasalawad ha ira an usa nga man-damyento de aresto. Ginpahimuwaan han mga residente han barangay nga may nahitabo nga engkwentro.

Ha iya kabataan, nag-eskoyla agud magin doktor hi Caba-les. Ha sakob han pira kadekada, nagserbe hiya ha masa nga Pi-lipino ngan nagin kabakyang han Panrehiyon nga Komite ha pa-mumuno ha rebolusyunaryo nga kagiusan ha Panay. Hi Cabales nagin usa liwat nga priso pulitikal hadton 1999.

Samtang, hi Suarez usa nga hadto anay membro han BHB nga nagdesisyon nga gumikan pira katuig na an nakalabay tu-ngod ha pisikal nga kamutangan. Kahuman hini, nagpabilin hiya nga tangkod ngan hitaas an hingyap nga makabulig ngan bu-makyang ha rebolusyunaryo nga kagiusan. Nagin usa nga priso pulitikal liwat hi Suarez hadton 2012.

Panawagan han mga parag-uma, gindara ha nasyunal nga kapitolyo

NAGLANSAR HIN USA kasemana nga protesta an mga orga-nisasyon han parag-uma kaupod an dirudilain nga sektor ko-mo pagtigaman han bulan han mga parag-uma. Agud palan-dawon an panawagan han mga parag-uma, igintukod nira an usa nga kampuhan ha atubangan han Department of Agrari-an Reform Central Office ha Quezon City tikang Oktubre 15 ngada 21. Iginlansar ha kampuhan an pagbisita, pakikig-usa ngan diskusyon kaupod an dirudilain nga sektor. Nagkamay-da han mga *workshop*, *medical mission* ngan paghahatag han materyal nga suporta ha mga parag-uma.

Labot hini, usa nga rali an ginpangunahan han Amihan hadton Oktubre 15 para tigamnan an Pankalibutan nga Adlaw han Kababayin-an nga Parag-uma. Hadton Oktubre 16, utro nga nagmartsa an mga grupo ha Quezon City ha pangunguna han mga parag-uma tikang ha isla han Negros para ha Panka-libutan nga Adlaw han Kagutom. Kinabuwasan, nagprotesta hira ha hedkwarters han Armed Forces of the Philippines ha Quezon City agud kundenaron an militarisasyon ha kabaryu-han. Usa nga gab-i han pasundayag an iginlansar nira ngan han mga grupo han artista hadton Oktubre 19 ha UP Diliman. Nagprotesta liwat hira ha Department of Social Welfare and Development hadton Oktubre 20 agud ig-insister an kumpen-sasyon para ha destroso nga dara han kalamidad.

Mahuhuman an protesta han mga parag-uma ha Oktubre 21, anibersaryo han buwa nga reporma ha tuna han Presi-dential Decree No. 27 ni Marcos Sr. Magios hira kaupod an iba pa nga sektor ha Liwasang Bonifacio kontra ha korapsyon han rehimen Marcos ngan barkadahan nga Duterte. Iginpa-panawagan nira an pagpapalayas ha poder han duha nga pi-nuno nga korap.

Ginhahasog han mga propesyunal an dalan han gerra han katawhan

Ha atubangan han tikagrabe nga pasismo han rehimen Marcos, dugang nga nag-lalarab an rebolusyunaryo nga determinasyon han mga magtuturdo, doktor, nars, siyentista, inhinyero ngan iba pa nga propesyunal nga napartisipar ngan nasuporta ha gerra han katawhan. Dirudiretso na nira nga ginpapakusog an kada tagsa nira nga mga rebolusyunaryo nga organisasyon agud magserbe nga atabay han suporta ngan bag-o nga mga mangaraway han Bagong Hukbong Bayan.



Ha inspirasyon han kagiusan pagtutul-id han Partido, utro nga ginpakusog an Katipunan ng mga Gurong Makabayan (Kaguma), Makabayang Samahang Pangkalusugan (MSP) ngan Liga ng Agham para sa Bayan (LAB). Marayhak nga namamahayag ini nga mga asosasyon ha magpaso nga isyu han nasud. Regular o agsub nira nga igin-gagawas an ira mga rebolusyunaryo nga panmasa nga mantalaan: Ang Rebolusyunaryong Lunas at Dagling Lunas (MSP), Liyab (Kaguma) ngan Agham Bayan (LAB).

Mga patriyotiko nga magtuturdo

Hadton Enero, nahitukod han Kaguma an usa nga bag-o nga tsapter ha usa nga unibersidad. Kaupod ha napili komo upisyal han tsapter an bag-o nga membro hini nga hi Ka Amber nga narekluta hadton urhi nga parte han 2024. "Nangangrapkap pa ako ha yana kundi san-o man diri ko naaabat nga kulang ako bisan bag-uhan ako tungod ha maupay nga pagtagad ngan pag-alalay han mga kasama," sigon kan Ka Amber.

Ha atubangan han damo nga trabaho ngan mga personal nga ginkakahitapo ha kinabuhi, nananalinguha hiya para dirudiretso nga magpatuman han buruhaton komo upisyal han tsapter. Sering niya, nahihimo niya ini ha pagtapod ngan pagkatin ha mga prinsipyo ngan pagbaton ha mga pakiana nga "kay ano" ngan "para kanay."

Sigon ha Kaguma, kinahanglan pakusgon hini an kalugaringon agud direkta nga makagpartisipar ha armado

nga pakig-away, mag-amot ha BHB, ngan bumulig ha pag-oorganisa ha kabaryuhan para ha pagpapanday han rebolusyunaryo nga pagkaurusa ngan pakigbisog han katawhan.

Pagtambal ha krisis han katilingban

Ha usa nga prente gerilya ha Luzon, sinakob an usa nga grupo han MSP nga ginkokomponer han mga doktor, propesyunal ngan mga pankalibsugan nga estudyante agud maglansar han usa nga *medical mission* para ha masa ngan hukbo. "Ha pagsakob ha sona, diri masayon an amon mga gin-agian ngan naging eksperyensya labina nga panahon han makusog nga pag-inuran," pagpapasaro han usa nga doktor.

Igintindog nira an usa nga klinik diin iginlansar an konsultasyon ha mga pasyente ngan gindumara an guti nga laboratoryo. Ginbaton han MSP an mga simple ngan kumplikado nga mga sakit han mga Pula nga mangaraway, ngaduha pisikal ngan mental.

Ha sakob han hukbo, naeksperyensyahan nira an simple nga kinabuhi, an mga sakripisyo ha pagpapasulong han gerra han katawhan ngan an mapaso nga pagkarawat han masa nga paraguma. "Ini nga akon mga eksperyensya mas dugang nga nagpadig-on ngan nagpalarab han akon rebolusyunaryo nga diwa," estorya pa han doktor.

Samtang, naglansar han asembleya hadton Agosto 2 an mga pankalibsugan nga estudyante tikang ha dirudilain nga unibersidad agud tukuron an usa nga tsapter han MSP. Dako nga pitad ini para ha pagpapahangkop han

MSP ha mga pankalibsugan nga estudyante ha demokratiko nga rebolusyon han katawhan.

Mga siyentisya para ha DRK

Unom kabulan an programa para ha *tour-of-duty* (TOD) ha BHB ni Ka Langga, membro han LAB ngan usa nga hadto anay estudyante han kurso nga *computer engineering* ha usa nga pribado nga unibersidad. Hini nga panahon, dumig-on an iya karuyagon nga magserbe han bug-os nga panahon ha kabaryuhan. "Hadton nag-TOD ako, mas napadig-on an desisyon nga magpultaym tungod kay nakit-an ko ini han bug-os ngan napamatud-an an katukmaan ngan panginahanglan nga magserbe komo mangaraway," sering niya.

Nakit-an niya mismo an mapaso nga pagkarawat ngan paghigugma han masa ha hukbo han katawhan ha prente nga ira gin-gigiusan. "Hira, nga pinakatiniyupi ha katilingban, may wada pa nga pakaunon an mga mangaraway, bumakyang para ha pagkuha han suplay para ha pagsuporta ha hukbo, ngan magpartisipar ha mga rebolusyunaryo nga buruhaton," estorya niya.

Ha kasyudaran, padayon liwat nga ginpapanday han LAB an mga aktibista ngan kadre hini komo mga pultaym nga organisador ha sektor. Pamaagi liwat ini agud isahon an kapukawan ngan kaandaman han iya mga membro nga hasugon an dalan han armado nga pakig-away sugad ni Ka Langga.

Ginkuha ha Liyab, Ang Rebolusyonaryong Lunas ngan Agham Bayan.

AB

₱243 KABILYON unprogrammed appropriations

kakatinan ni Marcos ha 2026 badyet nga iginpasa han House of Representatives. Kalakip ini ha kabug-usan nga ₱696 kabilyon nga pondo nga *pork barrel* para ha Malacañang ngan Kongreso.



₱10.3 KABILYON

nga mga proyekto nga *farm-to-market road* ha 2023 ngan 2024 badyet an gindugngan hin 70% an presyo. Pinakahitaas an balor nga ₱348,000/metro nga 23 kabeses nga mas dako ha igintalaan nga ₱15,000/metro han DPWH.

82.4%

han masobra **1.89 kamilyon nga parag-uma** ha Eastern Visayas an waray kalugaringon nga tuna. Ha luyo hini, waray maupay nga programa ha reporma ha tuna an reaksyunaryo nga gubyrerno para ha ira.

₱8.8 KABILYON

lugi han GSIS tungod ha nabangkrap nga pamumuhunan ha mga pribado nga kompaniya. Hulga ini ha ginkurian nga *savings* han mga empleyado han gubyrerno, nga rekisito nga ibutang ha ahensya para ha ira pensyon.



7 ha 14

kooperatiba han mga drayber ha **Iloilo** nga sinakob ha buwa nga programa nga modernisasyon yana aada ha tangpi han pagkalugi tungod ha diri mabaydan nga utang ha pagpalit nira han marahalon nga *e-jeep*.

37.8 KAMILYON

Pilipino an nahiagum han igo-igo (*moderate*) ngan grabe nga kawarayan ha pagkaon dara han kakurian hadton 2022-2024. 55 kamilyon o 44% waray kapas nga pumalit han masustansya nga pagkaon.



6 nga magkusog nga linog (masobra magnitude 6)

an nagbay-og ha Pilipinas ha sakob han 18 kaadlaw nga inigo ha **Bogo, Cebu; Manay, Davao Oriental; General Luna, Surigao del Norte** ngan Pagudpod, Ilocos Norte. Tikang Septyembre 30 tuhtub Oktubre 17, nakapagrekord an **Phivolcs** han diri mamenos ha 14,220 nga *aftershock*, kun diin 12,704 tikang ha bag-o nga diskubre nga **Bogo Bay Fault**.

Ginkuhaan: *Phivolcs*

11 katuig

tikang han patayon ni US Marine Joseph Scott Pemberton an *transwoman* nga hi **Jennifer Laude**. Ha luyo han sentensya ha kasal-anan, gintagan ni Rodrigo Duterte hi Pemberton han *absolute pardon* ngan gintugutan nga makauli ha US.



6 kadekada han mga nakab-ot han kagiusan nga parag-uma ha Eastern Visayas

Ha atubangan han hiluagan ngan nagtitikagrabe pa nga pyudal ngan bagap-yudal nga paniniyupi ha Eastern Visayas (EV), kaangayan la nga lingion an masa nga parag-uma ha kasaysayan han ira duruyog nga pakigbisog. Kinahanglan kumuha hira han mga leksyon ngan inspirasyon ha unom kadekada han maranggat nga kadaugan nga nakab-ot ha duruyog nga pakigbisog.

Gamit an rebolusyunaryo nga giya para ha reporma ha tuna han Partido, ginios an hiluag nga masa nga parag-uma ha EV ha dalan han pakigbisog para pahimub-on an plete ha tuna, ig-isa an suhol han mga trabahador ha uma, paraon an usura ngan ig-isa an ira produksyon.

Ha mga umhanan, gin-atubang han mga parag-uma an mga agaron may tuna (AMT) ha mga komprontasyon agud ig-insister an ira katungod. Ha mga koprasan, nakab-ot nira an 60-40 nga bahinay ha neto nga kita pabor ha mga parag-uma tikang ha daan nga kondisyon nga 90-10. Nahiduso nira an mga AMT nga sugbungon an 50% han gastos ha paghahakot han kopras, sanglit hinitaas an kita han parag-uma.

Ha mga lugar nga naabot an mas hitaas nga balitang han pagkaurusa, nahidaug han mga parag-uma an kondisyon nga 50-50 diin gin-iiban na an gastos ha paghahakot han produkto antes ini pagtungaon. Kadaugan ini tikang ha daan nga kondisyon kun diin waray amot ha produksyon an AMT. Ha mga lugar kun diin hiluagan an kondisyon nga tinulo (1/3 nga bahinay) nga pabor ha AMT, nahidaug han mga parag-uma an 50-50 nga bahinay.

Mayda liwat mga lugar nga nahi-insister an pagpapamenos han interes ha utang tikang 20% kada bulan ngada 10%, ngan waray tubo kun makakabayad antes an usa kabulan. Natanggal na liwat an kondisyon nga tubos ha mga iginprenda nga tuna ngan kun naabot na an 100-150% nga tubo tikang ha gin-gamit nga kapital, otomatiko nga ibabalik an tuna ha parag-uma nga nagprenda. Nahiduso liwat

nira nga padayon nga makag-uma ha iginprenda nga tuna an parag-uma agud makaseguro nga mayda hiya mapagkukuhaan han igbarayad ngan para ha matag-adlaw nga gastos.

Ha pira nga erya, nahipatuman an kumpiskasyon han tuna tikang ha mga despotiko ngan kontra-rebolusyunaryo nga agaron maytuna komo porma han hustisya ha paniniyupi ngan kabaraydan ha utang nga dugo ha masa. Mayda naman mga kaso nga gin-okuparan han mga parag-uma an mga abandonado nga tuna han AMT, samtang mayda mga nalalamragan nga AMT an boluntaryo nga nagpahuram ngan naghahatag han ira tuna ngan iba pa nga higamit ha produksyon.

"Kun waray an kagiusan, dapon ha kalugaringon nga nasud an mga parag-uma," pahayag han usa nga parag-uma. Tuhtub yana, gintatagamtaman pa gihap nira an dako nga bulig ngan pagpulos hini nga mga katunaan.

Dirudiretso liwat an kampanya agud ig-isa an kapas ha produksyon

han mga parag-uma. Iginpasamwak an kampanya nga "tiklos-aglayon" kun diin kolektibo nga nagbubuligay an mga parag-uma para ha produksyon. Napahiluag hini an mga tanuman, napasayon ngan napadagmit an trabaho, naibanan an gastos, naseguro nga sandang an pagkaon ngan labaw ha tanan nagpahira para ha kolektibo nga paggios.

Nagkamayda liwat hin distribusyon han karabaw komo nangunguna nga higamit ha mga indibidwal ngan komunal nga produksyon. Nagbug-os liwat an mga parag-uma han sistema agud mamaksimisa ha paghulad an mga donasyon nga traktor ngan iba pa nga higamit ha produksyon tikang ha mga ahensya han estado ngan pribado nga institusyon.

Nahitukod an mga kooperatiba sugad han mga molinuhan ngan tindahan han batakan nga panginahanglan. Mayda liwat kooperatiba para mahibaligya ha tukma nga presyo an mga ani ngan mga produkto. Labot ha serbisyo ngan barato nga presyo han mga batakan nga papliton, dugang nga kita ha asosasyon an nakukuha tikang ha dibidendo. Mayda mga kooperatiba nga nagserbe nga kapital an kita agud makapalit han higamit ha produksyon sugad han tuna ngan karabaw.

Pira la ini ha damo nga mga kadaugan han kagiusan nga parag-uma ha rehiyon. Padayon nira ini nga gindedepensahan kontra ha ginpintas nga presensya ngan dirudiretso nga pangatake han rehimen Marcos ngan han mga yunit han 8th ID ha ira komunidad. Ha atubangan han terorismo han estado, ini nga mga kadaugan ngan eksperyensya magseserbe nga materyal nga basaranan agud dugang pa nga depensahan han parag-uma an ira kinabuhi ngan pakabuhian, ngan ipakigbisog an usa nga katilingban nga demokratiko ngan talwas.



Ukoy-bubto ha Gaza, diri sadang; pagpaundang ha henosidyo, iginpanawagan

Iginpatuman ha Gaza tikang Oktubre 14 an usa nga ukoy-bubto ha giutan han Zionista nga estado han Israel ngan grupo nga Hamas pinaagi han US. Sukwahi ha iginhihinambog han presidente han US nga hi Donald Trump, diri ini usa nga "diplomatiko nga regalo," kundi resulta han diri nababantad nga panindugan han katawhan Palestino nga dumiri nga igsurender an ira nasud. Gatos kayukot nga Palestino na an nagbabaktas tipabalik han Gaza City agud hinay-hinay nga bawion an kinabuhi nira nga ginlasurbo han henosidyo han Israel.

Ha luyo han kasarabutan, dirudiretso an mga pagtalapas han Israel ha mga katungod han Palestino. Aada ha 97 an ginpatay han mga pwersa hini tikang Oktubre 14 tubtub Oktubre 19. Hadton Oktubre 19, tigda nga gin-undang han Israel an pagpasulod han gatus-gatos nga trak nga nagdadara han pagkaon ha sakob han Gaza.

Ha parte han Hamas, gintuman na hini an probisyon han pagpapagawas ha tanan nga 20 nga nasasalin nga katin hini nga buhi nga bihag. Gintikangan na liwat hini nga ibalhin an kustodiya han 23 nga lawas han mga dakop nga napatay tungod ha waray wantas nga pangangatake han Israel.

Hadton Oktubre 7 ngan mga adlaw kahuman hini, ginhandum han milyun-milyon nga katawhan ha bug-os nga kalibutan an ikaduha katugig han Al Aqsa Flood agud suportahan an makatadungan nga pag-ato han mga Palestino ngan kundenahon an henosidyo. Nagkamayda han dako nga paggios ha UK, The Netherlands, Spain, Italy, US, Canada ngan Japan. Nagkamayda liwat han mga paggios ha Pilipinas, kalakip an protesta han mga grupo nga nasyunal-demokratiko kontra ha paggamit han Israel ha pagkaon ngan ayuda komo armas. Hadton Oktubre 17, nagkamayda han kampuhan para ha Palestine an mga estudyante ha sakob han kampus han Ateneo de Manila University.

Ha pagtantiya han mga siyentista ngan eksperto, 680,000 na an ka-bug-usan nga napatay ha Palestine, kun diin 380,000 mga puya ngan mga kabataan nga edad 5 tipaubos. An sobra 68,000 ha ira direkta nga napatay han mga bomba ngan bala han mga sundalo nga Israeli.

Nakaglista naman an mga internasyunal nga ahensya han 400 nga pagkamatay tungod ha grabe nga gutom, kaupod an 140 nga bata. Samtang, aada ha 3,000 an napatay samtang naghuhulat o nakikig-agaway han ayuda nga pagkaon, damo ha mga "death trap" (lit-ag) han Gaza Humanitarian Foundation nga ginpapadalagan han mga sundalo nga Amerikano ngan Israeli.

AB

Petisyon para ha *interim release* ni Duterte, iginbasura han ICC

IGINBASURA HAN MGA husgado han Pre-Trial Chamber 1 han International Criminal Court (ICC) an petisyon ni Rodrigo Duterte para ha *interim release* o temporaryo nga pagpagawas hadton Oktubre. Sering hini, dako an potensyal nga takasan niya an hustisya ngan panginlabutan an mga testigo ilabi kay nagpapabilin nga poderoso an iya pamilya ha Pilipinas.

Mabug-at nga iginkonsidera han ICC an impluwensya ha pulitika han pamilya Duterte. Ginsering han korte an pahayag han iya anak nga hi Sara Duterte nga naghambog nga "ig-eeskapo" niya an iya amay ha ICC ngan akusasyon nga "pagkonsabuhay" han ICC ngan han gubyrno ha Pilipinas.



Aksyon kontra demolisyon ha Marikina. Napugngan han mga residente han Agora, Barangay Sto. Niño, Marikina City an plano nga demolisyon ha ira komunidad hadton Oktubre 15. Nagtindog hira han kampuhan hadton Oktubre 14. Masobra 53 nga kabras nga pamilya an nananelikado nga mapalayas ha komunidad ha luyo han ira masobra 40 katuig nga pagpuyo ha lugar. Tungod ha protesta, nagsaad an lokal nga gubyrno han relokasyon para ha mga apektado nga residente.

Barikada ha Benguet. Inabot ha 400 nga residente han duha nga barangay ha Manakayan, Benguet an nagbarikada hadton Oktubre 13 kontra ha panginginlabot han Crescent Mining and Development Corporation ha ira ancestral nga katunaan. Nagserbe liwat ini nga pormal nga pagtukod han alyansa nga No Mines Movement of Guinaoang and Bulalacao.

Paggios kontra-mina ha Dupax del Norte, NV. Tikang Septyembre 17 nagtindog han barikada an mga residente han Barangay Bitnong ha Dupax del Norte ha Nueva Viscaya kontra ha Woggle Corporation. Nagtikagrabe an gitgitay han mga residente ngan kompaniya han magpagawas an usa nga korte ha prubinsya han Temporary Restraining Order hadton Oktubre 14 kontra ha barikada. Ginbungkag han mga pulis an barikada hadton Oktubre 16 ngan ginaresto an tulo nga residente. Layon gi-hap hira nga nakagawas.

Wala-tuo nga ginkukundenar han mga residente, singbahan, grupo ngan indibidwal an pandarahug han pulis. Naglansar hira han karaban ngan protesta ha Nueva Viscaya Provincial Capitol hadton Oktubre 20 agud kundenaron an kawaray-aksyon han lokal nga gubyrno. Naglansar liwat han paggios ha pareho nga adlaw an grupo nga Kalikasan PNE ha atubangan han Department of Environment and Natural Resources.

Nakatalaan liwat nga maglansar han protesta ha Oktubre 21 an Anakbayan United Kingdom ngan iba pa nga nasyunal demokratiko nga organisasyon ha UK ha upisina han Metals Exploration PLC Office ha London agud kundenaron an pandambong ha kalibungan han ira kompaniya.

Panibag-o nga kampanya nga agresyon ngan destabilisasyon han US kontra ha Venezuela

Tikang Septyembre, unom nga sarakyan nga pandagat nga tikang kunuhay ha Venezuela an ginpasabog han US ha Carribean Sea ha akusasyon nga nagdadara ini han mga "narko-terorista" ngan nagbibiyahe han iligal nga droga. Gin-himo an mga pagpapasabog komo parte han panibag-o nga serye han panmilitar nga agresyon ha Venezuela nga waray basaranan nga gin-aakusaran han presidente han US nga hi Donald Trump nga nasuporta ha mga "narko-terorista." Inabot na ha 27 an ekstra-hudisyal nga ginpatay han US hini nga pangatake.

Kadungan han mga pagpapasabog, ginpapintas han US an panmilitar nga presensya han US ha Caribbean Sea pinaagi han pagpapadara han mga *warship*, usa nga *nuclear-powered* nga submarino, ngan iba pa nga sarakyan nga pan-gerra. Nagpapalupad liwat ini han mga helikopter, *fighter jet* ngan mga B-52 *bomber* ha internasyunal nga kahanginan hirani ha Venezuela.

Ginmanduan liwat ni Trump an Central Intelligence Agency nga maglansar han mga sikreto nga operasyon ha sakob han Venezuela kontra ha gubyrno hini ngan katawhan. Nasubay ini ha pahayag ni Trump nga himuon an dugang pa nga panmilitar nga aksyon kontra ha Venezuela ngan plano nga pagsaliwan han rehimen ha soberano nga nasud. Nag-imponer pa han \$50 kamilyon nga pabuya hi Trump para ha pagaresto han presidente han Venezuela nga hi Nicolas Maduro. Dugang ini ha naeksister na nga sangsyon (sirot) ha ekonomiya nga maiha na nga igin-imponer han US ngan al-yado hini nga nasud.

Kakunsa-bo han imperyalismo nga US ha kampanya nga agresyon an mga maka-Tuo nga grupo ha sakob han Venezuela. Hadton syahan nga semana han Oktubre, iginbuxas han gubyrno ni Maduro an pag-atentar hini nga mga grupo nga maglansar han usa nga "false flag" nga operasyon diin mag-

tatanum ngan magpapasabog ini han bomba ha embahada han US ha Caracas, syudad han Venezuela, agud mas papintason pa an tensyon.

Bisan kun serrado an embahada tikang han nahunong an diplomatiko nga sumpayan han Venezuela ngan US hadton 2019 pa, mayda mga empleyado ngan pwersa ha seguridad nga nagpapabilin ha bilding. Kasunod hini nga balita, iginpahunong ni Trump an anuman nga paningkamot han iya gubyrno nga makig-estorya ngan makigsarabot ha Venezuela.

Waray magpabantad an Venezuela ngan gubyrno nga Marudo ha mga pangatake ngan pananarhug ni Trump. Sigon kan Marudo, "dirigud hira makakasulod ha Venezuela" ngan andam nga igdepensa han militar ngan katawhan Venezuela an ira nasud ngan soberaniya.

Pankalibutan nga suporta ha Venezuela

Hiluagan nga ginsukna han mga grupo ha bug-os nga kalibutan an agresyon han US ngan ni

Trump ha Venezuela. Nanawagan an International League of Peoples' Struggle (ILPS) nga atuhan an pag-atentar nga saliwnan an gubyrno han Venezuela ngan tanan nga porma han *hybrid* nga pakigerra nga naggrabe ha ilarum ni Trump.

Waray hunong an agresyon han US ha gubyrno han Venezuela tikang han tumindog ini kontra ha mga imperyalista nga dikta hini. "Waray hunong an pag-atentar han US nga pabagsakon an demokratiko nga gin-eleher nga gubyrno han Venezuela, determinado nga higu-pon an kita tikang ha lana han nasud agud parikuhon an mga monopolyo kapitalista ngan mga mamuruhunan," sigon ha ILPS.

Pahayag han grupo, an agresyon han US magduduso la ha tikadamo nga katawhan han kalibutan nga suportahan an Venezuela ngan ira makatadungan nga pakigbisog para ha nasyunal nga soberaniya kontra ha imperyalismo nga US.

Ha Pilipinas, ginpangunahan han Philippine-Bolivarian Venezuela Friendship Association ngan Bagong Alyansang Makabayan an pagsuporta ha gubyrno ngan katawhan han Venezuela. Mahugot hira nga nakigsumpayan kan Chargé d'Affaires Richard Espinoza Lobo han Bolivarian Republic of Venezuela Embassy para ha magkalain-lain nga aktibidad ngan katitirok.

Kalakip na dinhi an pakigmiting nira ha mga tinaglawas han Makabayan Bloc ha House of Representatives hadton Oktubre 13. Nabug-os dinhi an plano nga pagsubmiter han Makabayan Bloc han usa nga resolusyon ha Kongreso agud suknaon an militarismo han US ngan suportahan an pakigbisog han katawhan Pilipino para ha kamurayawan, nasyunal nga soberaniya ngan katungod ha pagdesisyon-ha-kalugaringon han tanan han mga nasud.

